



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL
PANELI ZGJEDHOR PËR ANKESA DHE PARASHTRESA
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

Anr.23/2025

PANELI ZGJEDHOR PËR ANKESA DHE PARASHTRESA (PZAP), në panelin e përbërë nga gjyqtarët: Kymete Kicaj, kryesuese, Kujtim Pasuli dhe Bujar Muzaqi anëtarë, duke vendosur përkitazi me ankesën e parashtruar nga Subjekti Politik Iniciativa e Re Demokratike e Kosovës-IRDK me seli në Gjakovë, paraqitur kundër vendimit të Komisionit Qendror të Zgjedhjeve (KQZ), NR.01/33-2025, të datës 08.01.2025 për refuzimin e kërkesës për financimin e Subjekteve Politike për periudhën TMI 2025 për Zgjedhjet e Përgjithshme për Kuvendin e Republikës së Kosovës, që do të mbahen më datë 09.02.2025, në seancën e panelit të mbajtur më datë 13.01.2025, mori këtë:

V E N D I M

Hedhet poshtë e palejuar ankesa Anr 23/2025 e datës 10.01.2025, e parashtruar nga Subjekti Politik Iniciativa e Re Demokratike e Kosovës-IRDK, paraqitur kundër vendimit të Komisionit Qendror të Zgjedhjeve (KQZ), NR.01/33-2025, të datës 08.01.2025 për shkak të refuzimit për ndarjen e mjeteve nga fondi për mbështetjen e subjekteve politike për periudhën nga Janari 2025 deri me 28 Shkurt 2025 për Financimin e Subjekteve Politike për Zgjedhjet e Përgjithshme për Kuvendin e Republikës së Kosovës, që do të mbahen më datë 09.02.2025.

A r s y e t i m

Me datën 10.01.2025, Subjekti Politik Iniciativa e Re Demokratike e Kosovës-IRDK, ka paraqitur ankesë në PZAP, në të cilin pretendohet se KQZ ka marr vendim për refuzimin e rekomandimit të Zyrës për Regjistrimin, Certifikimin dhe Kontrollin Financiar të Subjekteve Politike, për ndarjen e mjeteve financiare nga Fondi për Mbështetjen e Subjekteve Politike të përfaqësuara në Kuvendin e Republikës së Kosovës për periudhën janar-shkurt të vitit 2025, rekomandimin me nr.03/04-2025, datë 07.01.2025, rekomandim i cili me rastin e votimit nuk ka marr votat e nevojshme për tu miratuar.

Me qenë se Zgjedhjet për Kuvendin e Republikës së Kosovës mbahen me 09.02.2025, rekomandimi i ZRCKFSP për ndarjen e fondit për dy muajt janar-shkurt për 14 subjekte politike dhe ndarja e fondit për shpenzimet e deputetëve për nëntë ditë (1-9 janar 2025) është në përputhje me paragrafët 3 dhe 4 të Rregullores Nr.06/2024 për Menaxhimin dhe Mbikëqyrjen Financiare të Subjekteve Politike, bazuar në Ligjin Nr.03/L174 për Financimin e Subjekteve Politike, i ndryshuar dhe plotësuar me Ligjin Nr.04/L-058, Ligjin Nr.04/L-212 dhe Ligjin Nr.08/L-122 për Financimin e Subjekteve Politike, Ligjin Nr.08/L-228 për Zgjedhjet e Përgjithshme në Republikën e Kosovës si dhe paragrafin 3 të nenit 13 të Rregullores së Kuvendit të Republikës së Kosovës me Nr.08/V-349 e cila ka hyre në fuqi në ditën e publikimit në Gazetën Zyrtare të Republikës së Kosovës, 09.08.2022.

Parashtruesi i ankesës, ka kërkuar që PZAP të ANULOJ vendimin e KQZ me nr.01/33-2025, ta APROVOJ këtë ankesë dhe të URDHËROHET Komisioni Qendror i Zgjedhjeve të pranoj rekomandimin e Zyrës për Regjistrimin, Certifikimin dhe Kontrollin Financiar të Subjekteve Politike.

PZAP me datë 10.01.2025 iu është drejtuar me kërkesë për përgjigje KQZ-së lidhur me ankesën A.nr 23/2025 të parashtruar nga ankuesi Iniciativa e Re Demokratike e Kosovës-IRDK, KQZ me datë 10.01.2025, ka parashtruar në PZAP përgjigje në ankesë me të cilën theksohet, se sipas paragrafëve 3 dhe 4 të nenit 3 të Rregullores Nr.03/2024 Menaxhimi dhe Mbikëqyrja Financiare e Subjekteve Politike, ZRCKFSP në mbledhjen e KQZ nr.02/2025, të datës 08.01.2025 ka rekomanduar që 14 subjekteve politike të përfaqësuara në Kuvendin e Republikës së Kosovës të ju ndahen mjete financiare nga Fondi për Mbështetjen e subjekteve politike dhe meqenëse konform ligjit për financimin e subjekteve politike, Fondi për Mbështetjen e Subjekteve Politike funksionon në kuadër të KQZ dhe pas pranimit të rekomandimit nga Zyra KQZ, me vendim miraton ose refuzon rekomandimin e Zyrës.

Prandaj KQZ pas diskutimeve lidhur me rekomandimin dhe votimit konstatoi se rekomandimi nuk mori votat e nevojshme për tu miratuar, 3 vota ishin për që është numër i pamjaftueshëm për të miratuar rekomandimin.

Paneli, pas shqyrtimit të ankesës së parashtruar nga ankuesi, vëren se e njëjta është e pa lejuar.

Për të vlerësuar lejueshmërinë e paraqitjes së ankesës, paneli iu referuar Ligjit Nr.08/L-228 për Zgjedhjet e Përgjithshme në Republikën e Kosovës, përkatësisht, nenit 119 paragrafi 3, me të cilin është përcaktuar se *“PZAP-i vendos për të gjitha ankesat ndaj vendimeve të KQZ-së, të përcaktuara shprehimisht me këtë ligj.”* Ndërsa kundër të cilave vendime të KQZ-së mund të ushtrohet ankesë është specifikuar me nenet, 27.6, 39.3, 41.5, 46, 51.4, 54.8, 69.7, 77.5, 80.3, 94.2, 98.3, 100.3, 102.1, 103.4 dhe 105.1, si dhe ato të cilat janë të përcaktuara në nenin 9, të Rregullores Nr.01/2024 për Procedurën e Shqyrtimit dhe Vendosies së Ankesave.

Sipas vlerësimit të Panelit, nga interpretimi i dispozitave të Ligjit Nr.08/L-228 për Zgjedhjet e Përgjithshme në Republikën e Kosovës, nuk përcaktohet me asnjë dispozite ligjore se mund të

ankimohen vendimet e kësaj natyre të KQZ-së, përkatësisht, vendimi i KQZ-së për ndarjen e mjeteve nga fondi për mbështetjen e subjekteve politike, në këtë kuptim, paneli vlerëson se rasti lëndor nuk hynë në kategorinë e vendimeve të KQZ-së të cilat mund të ankimohen në PZAP, e rrjedhimisht nga kjo edhe ankesa është e palejueshme.

Prandaj, nga arsyet e paraqitura si më lart, në pajtim me nenin 13 paragrafi 3 të Rregullores së PZAP-it Nr.01/2024 për Procedurën e Shqyrtimit dhe Vendosjes së Ankesave, si dhe nenit 119 paragrafi 3 të Ligjit për Zgjedhjet e Përgjithshme në Republikën e Kosovës, Paneli vendosi si në dispozitiv të këtij vendimi, duke e hedhur poshtë ankesën si të pa lejueshme.

Paneli Zgjedhor për Ankesa dhe Parashtresa

A.nr.23/2025, datë 13.01.2025

Kryesuese e Panelit

Kymete Kicaj



Këshilla Juridike: Kundër këtij vendimi është e lejuar ankesa sipas nenit 118 paragrafi 4 të LZP-së, në Gjykatën Supreme të Kosovës, brenda dyzet e tetë (48) orëve nga momenti i marrjes-pranimimit të këtij vendimi.